

EFTIRLITSSKÝRSLA

Fiskeldi Austfjarða hf. Fáskrúðsfirði



Dags eftirlits	19.9.2023	Ábyrgðarmaður eftirlits	Freyr Ævarsson
Fyrirtæki	Fiskeldi Austfjarða hf.	Eftirlitsmaður	Sigríður Kristinsdóttir
Heimili	Nesbala 122	Tegund eftirlits	Reglubundið
Kennitala	520412-0930	Flokkur	Fiskeldi
Fulltrúi fyrirtækis	Ólóf Rún Stefánsdóttir	ÍSAT nr.	03.21.00
Fulltrúi fyrirtækis	Sara Atladóttir og Tanja Tómasdóttir	Staðsetning	

NIÐURSTAÐA EFTIRLITS

Eitt frávik kom fram í eftirlitinu varðandi að fullnægjandi umhverfisupplýsingum (grænu bókhaldi) var skilað 2. maí sl. sem er eftir að frestur til þess rann út.

Fjórar ábendingar voru gerðar: 1) Allir útreikningar vegna útstreymisbókhalds þurfa að fylgja með skilum til Umhverfisstofnunar. 2) Skila skal endurskoðuðum umhverfismarkmiðum til eftirlitsaðila á a.m.k. fjögurra ára fresti. 3) Senda skal Umhverfisstofnun endurskoðaða vöktunaráætlun til samþykktar. 4) Öryggisblöð skulu vera tiltæk þar sem efni eru annað hvort geymd eða notuð.

Engin eldri frávik voru opin þegar eftirlitið fór fram.

UMFANG EFTIRLITS

Í samræmi við ákvæði 57. gr. reglugerðar nr. 550/2018 um losun frá atvinnurekstri og mengunarvarnaeftirlit var farið í vettvangsheimsókn í fiskeldisstöð Fiskeldis Austfjarða í Fáskrúðsfirði.

Fiskeldisstöð Fiskeldis Austfjarða í Fáskrúðsfirði er með starfsleyfi sem var gefið út af Umhverfisstofnun 19. mars 2019, breytt þann 29. apríl 2021 og gildir til 19. mars 2035.

Starfsleyfið tekur til framleiðslu á 11.000 tonnum af frjóum laxi. Heimilt er að ala að hámarki 11.000 tonn á hverjum tíma í Fáskrúðsfirði.

Umfang eftirlitsins var eftirfarandi:

- Farið yfir stöðuna frá síðasta eftirliti
- Skil á gögnum og niðurstöðum mælinga skv. starfsleyfi
- Verklag við samskipti starfsleyfishafa og eftirlitsaðila
- Áhættumat til ákvörðunar á tíðni eftirlitsferða
- Kynningar á fylgiskjölum
- Önnur mál
- Skoðunarferð (var farin 27. (Höfðahúsabót) og 28. (Fagraeyri) september).

1. Farið yfir stöðuna frá síðasta eftirliti

A) Eitt frávik kom fram í eftirliti árið 2022. Því var lokað áður en kom að eftirliti ársins 2023.

B) Engar ábendingar voru gerðar í eftirliti ársins 2022.

2. Skil á gögnum og niðurstöðum mælinga skv. starfsleyfi

A) Ársyfirliti var skilað þann 26. apríl. Engar athugasemdir eru gerðar við skilin.

B) Grænu bókhaldi án undirskrifa var skilað þann 30. apríl sl. Fullnægjandi bókhaldi var skilað þann 2. maí sl. sem er eftir að frestur til þess rann út.

C) Útstreymisbókhaldi var skilað þann 30. apríl sl. Samkvæmt útreikningum rekstraraðila var losun á fosfór árið 2022, 7,2 kg/tonn af framleiddum fiski, sem er innan heimildar í starfsleyfi. Rekstraraðila er bent á að láta alla útreikninga fylgja svo hægt sé að staðfesta þá.

D) Engin seiði voru sett út í kvíar í Fáskrúðsfirði árið 2023

E) Umhverfismarkmið skal skv. starfsleyfi endurskoða á fjögurra ára fresti. Rekstraraðili hefur endurskoðað umhverfismarkmiðin árlega og er bent á að senda eftirlitsaðila endurskoðuð markmið á a.m.k. fjögurra ára fresti.

F) Samkvæmt vöktunaráætlun rekstraraðila á að endurskoða hana árlega. Rekstraraðila er bent á að senda Umhverfisstofnun endurskoðaða vöktunaráætlun til samþykktar.

G) Rekstraraðili er með gilda tryggingu vegna bráðamengunar. Vátryggingaskírteini því til staðfestingar var sent eftirlitsaðila að eftirlitinu loknu.

3. Verklag við samskipti starfsleyfishafa og eftirlitsaðila

Rætt var að öll gögn sem rekstraraðila ber að skila skv. starfsleyfi, skulu koma frá honum en ekki þjónustuaðila hans. Hið sama gildir um önnur samskipti, þ.e. að rekstraraðili skal senda fyrirspurnir og upplýsingar til eftirlitsaðila en ekki

láta þjónustuaðila sinn um slíkt. Eins mun Umhverfisstofnun hafa samband við rekstraraðila, til að koma upplýsingum á framfæri, en ekki þjónustuaðila hans.

4. Áhættumat til ákvörðunar á tíðni eftirlitsferða

Í eftirlitinu var rætt um að endurskoðun er í gangi á áhættumati til ákvörðunar á tíðni eftirlitsferða. Niðurstöður matsins verða kynntar þegar þær liggja fyrir.

5. Kynningar á fylgiskjölum

Kynning á gagnagrunni um mengaðan jarðveg, kynning á nýrri gjaldskrá UST og kynning á breyttu fyrirkomulagi á boðun eftirlits, sem fylgdu fundarboðinu, voru ræddar.

6. Önnur mál

Engin önnur mál voru bókuð.

7. Skoðunarferð

Siglt var að kvíum rekstraraðila. Slátrun var nýhafin úr kvíunum á Höfðahúsabót þegar eftirlitið fór fram og búið að slátra úr einni kví. Slátrun verður lokið úr hinum ellefu kvíunum í stöðinni fyrir áramót. Reiknað er með að slátrun úr þeim þrettán kvíum sem eru í notkun í Fögrueyri, hefjist í kringum áramót. Engin efni, fyrir utan maurasýru sem er blandað í meltuna og olíur, eru notuð eða geymd á fóðurprömmunum. Öryggisblöð voru ekki til staðar hvorki á Höfðahúsabót né Fögrueyri og er rekstraraðila bent á að öryggisblöð skulu vera til staðar þar sem efni eru notuð eða geymd. Engar athugasemdir eru gerðar við efnageymslu í landi.

Frávik frá	Lýsing á fráviki
gr. 4.3 í starfsleyfi	Fullnægjandi umhverfisupplýsingum var ekki skilað á tilskildum tíma.

ÁBENDINGAR


Fjórar ábendingar voru gerðar í eftirlitinu:

- 1) Allir útreikningar vegna útstreymisbókhalds þurfa að fylgja með skilum til Umhverfisstofnunar til að hægt sé að sannreyna þá.
- 2) Skila skal endurskoðuðum umhverfismarkmiðum til eftirlitsaðila á a.m.k. fjögurra ára fresti.
- 3) Senda skal Umhverfisstofnun endurskoðaða vöktunaráætlun til samþykktar.
- 4) Öryggisblöð skulu vera tiltæk þar sem efni eru annað hvort geymd eða notuð.

1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.

2 Ábending: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 26.10.2023



Freyr Evarsson